

杭縣志稿

第十七册

市什選選



明黃鶴山重建永慶寺記

萬曆中錢謙益撰

杭州府治之東北六十里有山曰黃鶴高百餘丈與皋亭山離立而俗呼為皋亭之黃鶴峯以兩山皆從天目蜿蜒東來嶧而非屬故也山之陰有佛日寺宋明教嵩禪師卓錫之所安隱一濂慎公謀於祭酒馮公夢禎圖興復之不果乃得永慶寺故址於山之陽永慶寺者唐清泰二年創自吳越名湧泉院宋建炎中重建賜今額其後以元兵毀而慎公行求得之遂以興復為己任里人郎珮鄭鶴買地構禪堂五間僧

如良廣德廣斌等袞衣盃之羨建佛殿五間而真寂院間谷印公以雲棲大弟子激揚別傳之指慎公敦請蒞焉不起於座而道風演迤緇素坌集慎公厭世而去其徒遵遺命以院為十方不用甲乙次相授請一江湘公主之而大麓等力為攸助於是弥勒前殿兩廡僧寮次第告成印公與慧文製公相繼經畫寺之軌範始之禪堂以棲衆縛禪佛殿以結侶念佛限以崇墉繚以修廊佛聲浩浩則樂邦湧現禪版蕭然列祖燈輝映雖五山十刹號選佛之場者其清嚴精進未有逾此者也王子宇春與諸上人共襄斯舉歸

而述其意徵余文以記之嗟乎禪與淨土開遮歷然
唯以一事攷諸近代楚石禪門尊宿也而有西齋淨
土之詠雲棲念佛導師也而有闡關策進之編未嘗
不水乳相合也世之學者妄生分別或相為鬥諍或
曲為調人佞佞然莫知所適從久矣印公有憂之既
唱單提之宗而復顯雙修之範以其締構言之前殿
後堂規矩重疊出自一門示門庭之不可離而一也
周垣夾廊鐘魚交互邈不相及示旅途之不可混而
一也借事以顯理因權而著實亦可謂深切著明也
矣寺之事甫竣印公飄然遠去使人想見其高風于

杭縣志稿

卷二十一

一一九

屬山湧泉之間而濂公湘公宿德巋然後先担荷者
皆末法中所希有者余故樂為之記詳其興復之因
庶來者得以攷焉若夫印公輩行願機緣默相感召
盡未來際必有龍泉蹴踏相繼為人天眼目者固不
係乎樓閣之成壞而亦非區區締文字可得而記也
寺今名龍居庵亦曰永慶禪院予從其舊稱永慶寺
云

明大蘇林碑記

西溪梵隱志 吳本棗撰
崇禎九年

出武林北郭外帶水演迤一葦可航折而西入古蕩
為西谿谿環列秦亭法華諸山其蒹葭深處陂池滙

流叢薄翳映者為河渚渚無名藍巨剎禪棲三五似
龜巢蓮葉其最幽邃蔚秀者為大蘇林大蘇林者法
雨禪師手勅草庵也予棲寓河渚支筇訪道始識師
於林間師幼習儒典響慕空宗二十四父疾籲禱誓
修白業以畢劬報偶之龍歸塢見師誦蓮經其一為
日初上座遂投禮決志出家哀控母氏三辭而後許
遂往參南海大智師薙髮還雲棲受沙彌戒得古趙
山寺基斥土鳩工躬自拮据不繇營勞賴季弟昭及
法嗣含虛殫厥資力襄之落成瘦梅老竹扶疏四布
中堂供昆盧尊像後奉安養導師左小閣供地藏併

法俗諸冥位下即香積齋堂右靜室西南石甃鐘乳
泉一泓甘冽直面懺堂右一小室祠本宗先人西為
普同塔塔北可數十文為母瑩有終身廬墓意又東
南小樓為參閱之所其人徑編籬曲折繚以花闌龕
奉天醫緣師寇傷時感神祐也而大蘇林石茂苑劉
大參錫玄所題盖以南嶽慧思擬師云師土木形骸
蝸居寂默化導之廣遠遜南嶽然其精心苦行彷彿
似之嶽奉三聚戒布袍艾衲日唯一食師亦持律霜
嚴服用麤樸齋不過午嶽誦法華等經滿千遍修般
若念佛三昧方等懺法師亦日誦大乘諸典六時懺

禮大悲嶽障緣病起深悟業因顛倒想滅輕安如故
師亦病創感神警悟得瘥嶽以夏滿未證深懷慚愧
放身倚壁豁爾開悟師亦閉關結制痛自錐剗佛光
灌頂證得三昧於是叢林稱曰法雨師今之思大和
尚也和尚初住大蘇林旋移錫衡陽闡化曰吾寄此
山必事遠游師則裹足雲卧者垂五十年直以此為
常往阿蘭若矣考志庵址故吳越王將臺噫嘻昔也
貔貅千隊今也香燈一龕昔也鉦鼓旌旗今也鐘魚
瓢錫焉知此後不更為戰鬥之場歌舞之苑乎不更
為狐狼蛇虺之所窟宅露葵野葛之所縈蔓乎廢興

杭縣志稿

卷二十一

一一一

轂轉成壞刹那師一切作幻泡觀又何介介於一菴
也乃大禪嗣法得智者大師炳然台宗遂弘傳震旦
師不蓄徒衆含虛尋亦化去祇度猶子九牧九牧曾
參有德大師博通教乘辯才穎發鷲王擇乳師子嘖
呻自茲燈傳不斷師胤其大昌乎大蘇永永與南嶽
並峙已師郡中劉氏子諱海雲法雨其字父庭母廖
弟昭法名智琳弟之子成鼎即九牧菴經始於天啟
五年秋七月竣工於崇禎九年冬十一月

明佛日寺金臺大師記

唐世濟撰

吾湖法社不一、而夾山則湖之廬山也山以水名山

水以精藍名在精藍者盖代有人也余與表益大司
寇沈公何山得金師以繼石機兩俱雲棲嗣也金師
幼而敏穎嘗讀堂譚道尋繹微言往與禪觀通因決
志禪學一切世緣棄去從蓮池游教典悉曉暢言下
迎刃不啻灋陽一笑以故蓮池最器之其後雖負笈
從紹覺然其名視覺適上學人嘗稱一兆夢於雲棲
再兆夢於蓮居固月亭之後身也迨夾山稍稍竟業
遇皋亭山佛日為之止錫曰有是哉沃蕩迴薄當大
千而具乎佛曰舊為錢塘勝刹自唐本空以宿悟得
雲居實為開山之祖厥後傳有燈明教天衣十餘人

相繼而興尋亦中落金師以道緣振起一時輝奕為
諸方望固不自居也以願力還願力以因緣還因緣
以法還法以山還山老人何有哉既為佛日昌大聞
鷲峰頂養庵大開講壇於江左瓢笠而前悉得雲棲
之傳所垂句語授答曰有者皆有無者皆無迄今為
學人指點以至海塘拆毀三郡受災為之持願而止
狂瀾盖願滿於持其間徇肌膚者不端固人乞勝天
也又不自居也甚而江淮猛獸北土豚雞竊以焉知
目無海鷗何有山君為民害乎爰間屏迹北渡山之
民以道法師攝伏夷然謝之又不自居為噉為昧兩

不自居余盖審金師之持者願也故所至藤蒲花水俱清涼境界或以願滿為畸觀人天莊嚴有不可思議不知其唯吾願也絕不使人天界中作畸觀也余與沈表盖夾山緣起如此猶夫山水以精藍名也山水何心哉賜進士策資德大夫正治上卿都察院掌院事左都御史兵部左侍郎巡撫南贛提督軍務右僉都御史大理寺左寺丞巡撫淮陽漕運理河巡視京營掌河南道監察御史經筵侍臣唐世濟撰

張大昌曰金臺名大掄本儒家子見順治十三年河北張縉彥所撰金臺大師銘石刻惟所云海塘

杭縣志稿

卷二十一

一一三

坼而三郡災山君橫而居民逋金臺以精誠裡格之一試而感再試而效其事今已湮沒無聞知者
眇矣

清秋雪菴碑記

在留下

順治三年吳本泰撰

余甲戌釋褐南還訪舊靈壽道宗智一禪師師托迹應緣緬懷棲逸別赴檀那請結茅於西溪蒹葭深處余溯游從之瀦水瀆養枝流潏折蒹葭弥望秋時曳素百頃皚如積雪陳眉公先生取唐人秋雪濛釣船之句顏其菴曰秋雪余徘徊翔立宛在水中央遂有絕塵遐寄之想會菴中修四明懺法題額曰圓修堂

信宿而別嗣跋歷京師十許年猶時入夢中午未之
歲師荷笠北參臺山訪余邸舍班坐茗話云秋雪已
稍稍增葺蔚成叢林矣刪葺填坎植樹偃流構櫺佗
材陶甃繕完前龕普門中懺堂左右為齋廡為賓寮
庖湏具備上為樓貯方冊藏經傍列普度親位董宗
伯榜曰彈指樓開四圍圍以蔬茹樊以蒼蘆梵唄鐘
魚響出林杪見聞隨喜者咸曰此古資壽巖禪師刹
不圖今日威儀重覩也語次余飄然神往比余踉蹌
歸自白門復棹小舫問渡菴中方禮圓通懺師迎面
喜曰公今日再登圓修堂恍如昨夢矣余放杖小參

杭縣志稿

卷二十一

一二四

已乃徜徉四眺時蒹葭方茁白露未霜湖水澄漲弥
增浩淼之致師為余言此清冷池已舉錢大史隨社
月集放生活魚蛤亡算余為叅歎太息令茲陽九邁
災真旦罹厄兵燹匝地荆棘橫生蘊隆熾熾所在焦
灼而此庵在水一方萬山環嶂百川匯壑熱惱劫中
獨留此清涼國界且阿師道風蔚跂緇素皈依法筵
社集莊嚴具足以余所覩澄清者即八功德水紛剪
者即天曼陀羅軒跣者即寶網樓閣疏列者即欄楯
行厨游泳者即兜率十千翽鳴者即迦陵共命繩牀
錫鉢宴坐經行者即阿鞞跋致諸上善人輪蹄無聲

烽火不驚寂光清泰宛爾現前令余得卜築一椽咫尺過從將皆素心蓮侶修廬山般若臺故事嗣興流水天台諸度生法何難屣脫塵埃哉師合十言願居士無忘斯盟盍記諸按咸淳志宋潼軍節度使為巖禪建丈室於西溪曰資壽院茲其故址云葺廢垂四百年檀信沈應科應潮嗣有倫有德沈鶴齡等開薙經始施為僧園於是道宗一師澄之洪師遂挂錫焉相與節衣縮食拮据茨塹載離寒暑克成精藍矣約縻中金五伯有奇鉢資檀施半之其執勞營役以竣厥功者法胤梵圓成璧也遠近趨風者皆樂稱道宗

杭縣志稿

卷二十一

一二五

秋雪主人故秋雪菴名獨著余諾師請遂記其事勒之堅石時歲在丙戌孟秋既望

清溥濟禪院碑記

唐樓志即三元宮康熙二十三年周之麟撰張聖濟書任辰旦篆額

吳越為江南福地方錢武蕭時永明壽禪師專弘淨土法門兼行放生著宗鏡錄表勝一時今七八百年餘風猶在於棲水溥濟禪院猶及見之棲水屬武林西北偏與苕霅兩區接壤烟火萬家勤稼穡習詩書富民頗善居積而浮圖梵刹鐘磬相聞不失康僧始來赤烏遺意溥濟其最勝者也先時故明天啟間然明上人繇福田寺飛錫此庵實為經始歌咏梵唄嚴

淨毘尼士女嚮風群善歸往繼有上首德宏善述淨業再傳為澈宗用宗兩禪宿自敦行六度外兼通誥比諸僧祐之普通道宣之表龍朔每歲時放生則游魚潛藻飛鳥翔空度幾萬物一體之盛六時連漏接踵高賢開菡萏于中流見瓊珂之寶樹間者躋之余嘗閱梵典知歷劫以來佛道長遠弥陀為君釋迦為臣弥陀為父釋迦為子是以能御世尊尚西方用度迷津往生淨域此方世界歷成佳壤空從人壽八萬四千歲始為一劫於彼極樂國中纔一晝夜淨土之妙何如者哉如來往昔名流水長者子放生故俾

游魚十千盡得成佛樂音樹下金口親宣修福放生言重辭複顏真卿行化於唐蘇子瞻繼美於宋職有繇耳溥濟數畝之宮莊嚴像設言淨土則不愧遠公言放生則居然智者魚魚雅雅優哉游哉三代禮樂何以踰此迦維創教厥有遺文云法行震旦者以二千年為準竊恐後之視今未如今之視昔願從此日盡未來繼任此庵者以竹林清舍為道場依具羅樹為草座群羊跪聽斥鷃來巢把臂宋雷相逢陶謝庶不負澈宗用宗兩禪宿者畢生構建也地若干畝某字某號池塘若干畝某字某號檀越某人例應並載

以傳後來不揣固陋謹述大畧樹茲豐碑記茲勝事
康熙二十三年甲子春王正月吉旦賜進士出身通
議大夫詹事府少詹事兼翰林院侍講學士加一級
前翰林院侍讀學士侍講學士纂修實錄侍讀侍講
乙卯順天武闈正主考國子監司業庚戌纂修玉牒
孝經衍義國史編修辛丑會試同考官翰林院庶吉
士湘溪周之麟拜撰賜進士出身文林郎工科給事
中甲子奉命典試湖廣正主考前江南上海縣知縣
本省同考湘溪任辰旦篆額里人困勉學者張聖濟
謹書

杭縣志稿

卷二十一

一二七

明重修奉真觀記

唐樓志萬曆九年卓明卿撰
胡心得書沈修篆額

夫馮依有道乎神馮石而能言龍馮雲而變化白鶴
太乙馮華達摩慧可馮嵩岱顛則碧霞元君馮也得
其馮而神斯神人神之不神能自神哉若尔神之馮
亦大矣北極佑聖真君厥靈固彰赫尔我成祖太宗
文皇帝躬禹儉而佑玄玄則有武當之宮世宗肅皇
帝繼志修禋左宮于白岳茅山輝煌金碧宇宙映照
為崇奉所神惟保障寰瀛奔走焚祝咸神是馮亦勢
也唐樓為杭之巨鎮山自天目逶迤而皋亭黃鶴水
澌苕源澄紆汪匯而五林棲溪鎮南陲舊有奉真道

院國初天師張某過而題曰顯教院盖年久就圯弘
治中父老丁益澤余王大父澄道士施孟暹輩謀舍
廢而起謂神居去前溪稍遠面陽弗燥淪塵弗潔瞻
禮罔恢度將易置焉以費繁中輟比道士許日清真
人府知事俞大彰甥也玄修于斯有年復從二三父
老議申之分署別駕王公割院餘地易繕於徐氏鼎
新之佐厥成者咸至傾囊指囷庀材鳩工凡三月竣
事盖曰請率徒躬畚築殫精力落成迺速玉樞寘前
玉虛奠後繚垣翼廡地既寂闐宇復麗爽闐闐誼隔
溪山秀挹神其得所馮依云夫玄冥為八天增彩而

杭縣志稿

卷二十一

一一八

玄符宣靈囊藥潛施而三師績著覩將纛雲中飄真
香下界彰赫爾矣矧祝融煽虐旱魃為殃罔不精白
首裡心齋露禱反風興雲格應一鎮莊嚴萬戶虔祝
者哉閱五襮俶克樹碑父老請余庸紀歲月萬曆九
年三月望光祿寺監事卓明卿謹著

唐贈禮部尚書褚公神道碑

乾隆府志蘇頌撰

昔軒轅至孔丘師止十一名之聖者今天下尊皇帝
學踰三五教之神者既學且師考今猶昔蹈道從事
伊褚公焉公諱無量字弘度其先邑河南之陽翟十
一代祖盛後漢海塩長子孫因居送為吳郡海塩人

也五代 陽齊民部尚書駙馬都尉嗣錢唐侯高祖
遼民梁鄱陽王回常侍曾祖仁弘陳始興王法曹參
軍暨陽令祖範隋豫章郡丞父義宗皇贈使持節和
州刺史自微子封宋以迄于恭恭裔食褚因而得姓
迺侯迺戚或吏或儒粵不可量已豈岳鎮天峻是先
人之郡國將湖清世平當天子之門館靈其效矣公
實休哉上哲鐘懿元和育粹忠乎孝乎盡至於至寬
得衆易有親晦而明微而闡其立行也絲白不染不
成黼黻砥礪不礪不就純鈎寢思益居待問功可倍
諭可博其立言也始吳興沈子山吳郡曹福授以經

杭縣志稿

卷二十一

一二九

次吳郡張嘉會授之史演至蹟平牴牾研至精起廢
疾貫心則中達革其餘師乃厭服爾為宗匠逮攝齊
膠序揚袂河洛罔不企獨立以先赴聆遠音而響從
猶彫材之有梗枏絳翼之有鵷鳳下制嘉辟用超群
等即拜成均直講轉右鷹揚倉曹參軍直講如故稍
遷成均助教累至國子博士朝散大夫國子司業崇
文館學士常二仲齊祀會一時髦彥主賓難析羣疑
應不敢夸官闕单不能曜旗鼓太夫人在東也庭闈
是思鍾釜不違遂罷而就養我聖后居震也司過惟
史聽聰則晝復徵以侍讀及回金輅問辟雍搖柄前

席有丞有祝聲羣奔以坻頹辯連屬而河瀛是日中
賜章綬并時服雜纒就拜銀青光祿大夫以昭其業
上正位遷剡王傅國子祭酒轉左騎常侍特封舒國
公實食二百戶公雖傳天人司國子然而載啟載沃
百氏之言滿中禁日尊日事五更之禮存上庠故珥
貂寵而刑馬誓也尋與中書令范陽張說侍郎武功
蘇頲黃門郎趙郡李乂等開講序於掖垣悉上其昌
言嘉謨可體要經遠者京都之政起自軒墀齊魯之
風成於寓縣公以遭盛明而華皓不息迺作帝師懷
喜懼而斑爛未旋孰為人子洒零獻替于再于三重

論思而久駐修切至而方遣臨軒贈詩盈筐將意華
晨省而偉晝游焉居無何太夫人即世公禮不當毀
號而殆滅遂于瑩兆之側伏苦塊塉松楸鹿常犯之
公祝乃止應物也通神也有如是乎喪既除驛徵至
仍舊左常侍兼侍讀登朝則老成布武自屏不趨侍
講則官者平肩必輿而進皆別旨之非常也上復以
舊章散落群籍湮墜張購令据逸文補其缺刪其謬
敕公於都乾元殿麗正殿總而成之上帝之璧先王
之府委墳素流筆墨可滌元覽而照青光取日者皇
太子志於學齒於胄演經則太師憑几納誨則元良

降席諭夫錯中刑外一物三善者禮如前粵開元庚申歲正月哉生魄景命不造遘疾薨於長安崇仁里之賜策春秋七十有五上輟朝不視旅次而哭遣中使潺湲以恤故盼近臣歔歔以追往乃贈禮部尚書賻物四百段米粟四百石小宗伯陳祭儀亞京尹護喪事歸則本州刺史帥屬厚加焉僉請公進以秉德動而率禮自石渠延首金華造膝時屬升賢良杜讒佞雖明慮天斷匪獨開陳亦讜辭日聞寧虛聽受若藏罟者諗無藝出裘者思有惠使輕革之說傲嬰也之譏又安能是果良圖中比則隱之徽章之末所撰儲

杭縣志稿

卷二十一

一三一

君翼善二十篇帝王要覽二十二卷帝王紀錄二卷心鏡三十篇刪正論語孝經疏各一部每條上則留中錫之孔殷盈不可數大抵以義約以文見俾興亡有兆消息無傾規乎諷乎類乎指乎行之則是聞足自戒不然何以皇賚之聖叶之至於斯也化益淳儒益信則郊廟有典賓軍有容黷揮牲玉斟酌犧象必咨焉度焉此又衆之難公之易薨後群學士於書殿中得講史記至言十二卷即日聞之上悼甚重賜其家絹五百匹試為我著常奏新篇從取其書竟賚遺草悲夫粵某年仲冬甲子歸祔于錢唐臨平山之舊

城容軒止塗喪服會葬者數百顧而歎曰公何學也
何師也則我副君惟君是登皇極天子之子是作孟
侯皆受于公矣董則五朝典學無同道之用桓則三
世各師有特殊之美曾不可援以事舉諸凡卓哉使
後之人泛微波攀絕迹者我公也太常易名曰文宜
也長子河南澠池主簿廷詢次左拾遺庭誨次京兆
渭南縣尉庭賓三子之戚戚連所善居家嗣徽繼世
承烈則仲弓之有元及季伯起之傳秉及賜故遠邇
嘉之吳江漫兮將海合吳岫重分與天沓公是屬兮
公是安仁則返兮儉乃完異樹行兮生也志他石篆
兮子也刊噫不慙歟寄之銘曰

杭縣志稿

卷二十一

一三三

昭昭府君生代叶期儒有斯文帝王者師探幽典墳
贊道雍熙其德弥芬其暮益祇訓由老成榮以恩屢
孝友是悅資忠是務禹嘗獻蒼光不言樹專褚之學
啟舒之賦六經芳兮七命章戴頻頻分服煌煌無還
齡兮有去光未飾杖兮歛擁梁宸極悽兮門人慕悲
風起兮轅馬顧背西畦兮即東路路阻修兮日悠悠
旌旒思兮空山秋吾見業可久而名不朽者猗那諸
侯猗那諸侯

吳越民部尚書吳公約神道碑

杭州府志在臨平羅隱撰

吳越吳公約神道碑銘

羅隱撰

吳山蒼蒼吳水泱泱降生英靈為公為王以嚴師旅以奠封疆派而別者武亦鷹揚取直之功捍巢之蹟雖從本軍實展良畫踐履禁旅光揚事迹乃自西佳遷於硤石上軍東伐諸將西征賈以餘勇資乃銳兵稽山霧廓京口波清再從貂冕始拜冬卿吳會紛紜淮石奔競驅其凍餒犯我疆境躬勵精卒恭奉上命雪際松貞風中草勁元戎承制聖王酬勞大起名重司元望高優游渥澤出入官曹所謂雞省全資豹韜

杭縣志稿

卷二十一

一三三

恭仰府城載崇吾圉惟力是助厥功以舉雲矗千堞土攢萬杵率以資產役以軍旅乃頒異寵乃正華資大國綱紀雄藩羽儀牀間牛鬥杯裏蛇疑天胡可測神亦難知有裨於時有功於物一代殊勲二品清秩不謂不達何獲何失瑞馬神羊金箱玉室

十國春秋吳公約字處仁黃巢之亂杭州八都既建已而析號十三都公約其一也初負膽略為縣豪會朱直起兵應募西討以功署西桂鎮遏使未幾從董昌禦黃巢於西鄙加御史中丞奏置都額改硤石為訓兵之所摧鋒破銳日有聲稱武肅王

破越州公約驍果先登兵罷拜千衛將軍劉浩平、
錄功擢散騎常侍徐約陷蘇州王委公約專征授
北面諸軍行營招討使克蘇州授義和鎮遏使兼
本軍水陸都游奕使淮人侵擾公約扞禦疆域屢
挫敵鋒遷工部尚書俄改刑戶二部乾寧四年卒、
宋詹易縣太君吳氏墓志

定鄉小識政和六年四月薛昂撰強開明正書六
百八十三字、清道光中、定南鄉桑邨民鋤地得之
少宰劉正夫墓碑

仁和縣志在皋亭山

杭縣志稿

卷二十一

一三四

明大理寺卿夏時正神道碑

乾隆府志在三峯山弘治十四年楊守陟撰

明刑部尚書洪鐘墓表

武林文獻在東穆塢蓮花山陳珂撰顧鼎書董玘

篆額嘉靖二年、

明贈御史丁寧墓表

唐棲志在馬鞍山

明贈御史丁寧墓表

子丁養浩撰

嗚呼我先考御史府君卒五十有四年先妣太儒人
卒二十有四年矣未有表諸墓者不肖孤幸獨為未

亡人何顏以立于天地間耶惟我先府君以宣德乙卯贅為里之王司訓墳王故邑之博陸人先贅為里之唐氏墳唐無子實生太孺人明年丙辰王卒側室子世昌年四歲女旃檀年三歲而唐王二家長老皆外族所當事者時王頗任俠唐亦以財雄于鄉率環視府君所為以為向背府君接之禮恭而色莊行篤而誠至二氏人莫敢加焉正統間世昌年漸長府君為聘旃檀亦許嫁姚氏太孺人謂府君曰吾父母既不祿二雛者幸皆有成立吾儕可無愧矣然毋使鄉之人議吾儕以為不如其父母在也府君曰是吾志

也故婚嫁禮有加焉天順間世昌欲異居慮府君有所軒輊將言之官府君迎之謂曰無以為也凡皆唐氏故物然惟汝所欲耳於是田廬取其瘠敗者器物取其粗窳者而美且腴者則推以與之先是府君甫出贅大父樂善府君即捐世至是惟大母唐孺人在堂府君旦暮往問安無虛日間謂太孺人曰今世俗子出贅即歸重於外氏而於本宗之親生不養歿不祭甚無謂也於是凡遇歲時祭祀太孺人必前夕潔為之牲質明府君先以其一祭於外氏然後以其一歸祭於家曰吾將以詔鄉人之為贅壻者也始鄉人

未知教子、率為孟浪、府君首延名師於家塾、命不肖孤等、各占一經、而於四方游學之士、凡能通一藝者、率歎留至賓館、無虛席、太孺人亦左右供饋、務以求當府君之意、府君曰、吾將以詔鄉人之為人父者也、成化戊子、不肖孤得與鄉試、至辛卯、再往、輒不偶、而府君已屬疾矣、又明年癸巳、卒於溪南之舊菴、享年六十有三、越四年、成化丁酉、不肖孤忝鄉薦、又十年、丁未、始第進士、明年以使事歸、拜太孺人於堂、太孺人泣曰、恨不令而父得見汝今日也、既而不肖孤選人、選御史蒙差、按貴陽、又再按南畿、皆得歸、拜太

孺人太孺人年七十有九、是為弘治丁巳、不肖孤三年考滿、蒙朝廷推恩、封贈父母、於是太孺人乃身服冠翟、府君焚敕黃於隴上、太孺人又泣曰、恨不與而父得同拜君貺也、又四年、不肖孤選福建按察副使、越明年癸亥、太孺人卒於溪南新第、後府君三十有一年、享年八十有五、先是成化丙申、府君卜葬於超山之陰、逾十有一年、丁未、改遷於馬鞍山之西、至是不肖孤奔走来歸、偕伯仲氏奉太孺人襄事、合窆于府君之右、太孺人配府君、生伯兄養蒙、仲兄養正、季弟養晦、養素、暨不肖孤子男凡五人、女四人、皆在室。

家不肖孤痛惟我府君與我太孺人勤劬教子勞瘁萬狀而孤乃不能蚤自淬礪以卓立於二親具慶之日以永負於罔極之恩惟太孺人僅一見之又以縻於祿仕不能親侍湯藥以領屬纊之訓孤之罪天下其孰能誂之嗚呼九原不可作矣然而純德懿行昭耀灼灼著人耳目固不得家喻而戶曉也至其大節謹於交際廉於取受篤於彝倫明於教化本之一家而可以推之一國行之一時而可以垂之萬世近不出庸言庸行之常而遠可以極於天下化成之妙有非恒衆人之所能企及者也不肖孤敢不圖其所有

杭縣志稿

卷二十一

一三七

不朽謹用濡淚特書刻石墓道以昭來裔云

明太學生丁之喬墓志

中華民國二十一年八月、鄉民耕田得之嘉靖三十一年壬子、江曉撰文徵明書并篆蓋在超山乾

元觀

明太學生松坡丁公墓志

篆書

明太學生松坡丁公墓志銘

嘉靖丁未十月一日、松坡丁公卒、厥子鄉進士以彬圖維襄事、持職方方子禹績所述狀徵銘余展而誦之曰世德者若人篤行者若人固宜銘且厥考西

軒公實先考文昭公贊友矧厥子與余弟祠部再締
姻好又與予子圻年誼弥腆其何弗銘按狀公諱之
喬字喬年松坡其別號也世居仁和廡德鄉後遷漳
溪曾祖祥隱德弗耀祖寧封河南道監察御史父養
浩號西軒成化丁未進士歷監察御史至雲南左布
政使祖母王母唐俱封儒人公生而質弱厥母恒葆
持之厥父服官公隨母侍祖母家居既冠授室綜理
家政雖業于庠弗獲專志遂應例為太學生引恬引
晦不求仕進處豐裕服食恒如寒士躬督稼穡計泉
穀應公賦悉守規緒肆產日增貲日積遂甲於茲邑

杭縣志稿

卷二十一

一三八

事母生養沒哀並循禮過生辰輒感傷力辭觴慶厥
父歷任閩廣蜀滇公恒以弗獲侍養為歎每專俸省
問必齋宿恪緘越謝口歸日侍左右承顏燕賓或至
夜分無敢假寐且率父志豫卜超山以為壽藏越沒
哀毀襄事復鏤木石像事之如生又開河道以達墓
域剔巖穴以章墓道楹曰永思亭曰陟岵以識不忘
公鮮兄弟惟一姊歸沈、乏嗣乃迎于家祇事弗
懈時以孝友稱嘗慕范文正公義田圖惟式之以主
者非人而止乃建祠堂置宗務主之每祭徹
而餽以無忝祖宗為戒其惇宗自近及遠凡存瞻歿

窆暨婚嫁咸有攸資且置義塾 宗弟子云有義

田之遺意焉念祖母黨弗克嗣守先業則捐金購復

厥塋而飾之俾時祀不替念母 禮疎則更與

締婚俾後罔遐遺時以睦婣稱平居言若不出口至

扶翊夔倫亶亶忘倦且論人臧否 得辯而不

激應變揆物曲中機宜由是義孚于鄉厥有忿爭而

質者以義斷之罔不心服矧積而能散濟人利物恒

若不及嘉靖甲子歲大侵縣令勸賑公肇發米四百

斛驗口分給民賴以濟且施藥施糶 疾與

斃者咸賴之修葺橋道暨運河堤而凡行旅罔不賴

杭縣志稿 卷二十一 一三九

之其諸逋負歉則弛其息甚則折其券田雖 豐稔

未嘗責其全時以任恤稱閭門雍睦對厥儷相敬若

賓迪厥子及孫以盈滿為戒曰名以德成道以功裕

盍兢業持守以為克家之本臧獲數百指咸有執業

其偷惰弗率者亟黜之罔貸嘗建屋於東圃隙地

戒勿啟亟呼地主畀之人有譽者謙而莫敢居

晚年讀道德經惟清靜是尚以家政畀厥子綜理闢

植卉徜徉其間吟咏以自適悠然有遺世之意丙

午子以彬賓于南畿公聞而 曰亶哉其克繩武

無憂矣方徯屆期頤綏純嘏胡邁疾而遽就木焉

時乃罔不盡傷厥生于成化壬寅五月二十三日年六十有六配吳氏莊靜宜家恪勤主饋先卒子男一即以彬女六長適太學生沈三省次江西袁州府推官陳方次太學生徐一鳴次太學生吳同憲次唐時泰次沈照孫男一守臣太學生孫女六長適吳大參次則予弟祠部子太學官生埏未幾歸寧而卒次即續之次適李參將子懌次字俞經憲子卒次字司空子光畿曾孫男二女一尚幼惟公孝友睦嫻任恤而本之以慤厚加之以勤儉終之以靜逸且教子以義方非賢而能之乎雖未服官政而行

杭縣志稿

卷二十一

一四

于家族于族及于鄉先有可稱者矧厥子以登鄉薦行將揚廷躋仕誕膺恩命以賁九泉其永有譽哉筮以壬子三月日辰時窆于馬鞍山之原肆叙而銘之以慰孝思禮也銘曰奕奕世族遙駿厥慶顯顯岳伯休有烈光篤生式纘令緒以引以翼益豐德裕且以敦行且以愆為靡驕靡侈家政先釐迺積迺施率義不爽以宗姻以洽閭黨允矣善士展也無日不顯子孫振振惟子式實惟孫式穀遐不永年以綏蒞祿終厥封若堂遙昭潛懿式是

鄉邦

賜進士出身前通議大夫工部右侍郎奉
提督
工程眷生瑞石江曉撰

前翰林院待詔將仕佐郎兼修國史長洲文徵明書
并篆蓋

姑蘇章簡甫刻

明廣西布政使許應元墓志

武林訪碑錄在青龍山隆慶丁卯侯一元撰邵梗
書張潮篆額

明副都御史陳抑庵墓表

武林文獻王世貞撰沈瑞臨篆額江鐸書萬曆九

杭縣志稿

卷二十一

一四一

年、在荆山

明新喻主簿郁一元及孺人張氏墓表

武林文獻萬曆四十三年張瀚撰在皋亭山

明張烈婦佩蘭碑銘

唐棲志卓人月撰

宋松源禪師塔銘

武陵文獻在北高峰嘉泰二年陸游撰

明金宗禪師涅槃碑

唐棲志萬曆二年邵亨夫撰

明馮夢楨東暉禪師塔記

見西谿梵隱志

禪師號東暉諱明曉仁和孫氏胤也髫年孤撫於叔氏洎壯從叔屠豕年二十忽間果報之論遂誓不願為啟叔氏且願出家不可師涕泣懇之已而許決於筮乃成師志桃源嶺有蜀僧圓澄尸居草庵夢神告以佳子弟當至明旦師果至而報焉手為剃落授毘尼與警策日執役夜力參寒暑靡間值有省發乃訪知識留括蒼牛鼻洞久之緇素嚮風者籍籍亡何澄公遯謝師歸以嗣後應金氏良臣請築圓通庵倡道其中五十人真誠感向無善不興張尚書元洲公延建靈隱大殿工竣歸間居三裘葛以萬曆己丑仲冬

杭縣志稿

卷二十一

一四二

三日無疾而化年七十有六僧臘五十二

釋真一自製塔銘

余家無山水之鄉性有山水之趣耳醉西湖之名星赴之未見湖病七日幾死曰寧扶我死湖中無庸棺也纔見湖病幾去半入湖數武頓忘其病并忘其身如熱病人食宣州梨忽身心快然嗣後往還三十餘年不厭余家貧不曾讀書聞人誦文字便知好醜如重睡人聞聲即醒入講席多棄去讀禪宗書多喜余生於窮鄉未嘗與縉紳先生交遇縉紳雖不貌之亦不作諂曲酸澁狀與之談少逢迎之語反多契余甚

輕金喜作有為事於事不甚諳不諳多舛亦不怨不
嗔無奈何輒棄去尤喜塑佛像刻方冊經雖勞苦多
逆緣亦不憚也余性多躁輕意怒罵人生平惟卓左
車知余罵而復合餘不知余性多傲鄉先生或初濃
後淡獨黃寓庸自傲又喜余之傲遂之為生死交一時
負大名善知識法師雖先輩亦不稱門下士其門下
多生毀謗余亦任之無顧忌之意遇江湖破衲僧則
視若弟昆坐談無倦或解衣衣之推食食之見貧病
人悵然悲愍有求即應余喜種梅竹躬傭作晚年以
賣筍賣梅賣茶賣柴賣經終其身崇禎己巳孟秋既

杭縣志稿

卷二十一

一四三

望忽作寒熱知幻軀不久述其生平曰自製塔銘

清徐繼恩新伊法師壙志

師諱大真號新伊杭郡周氏子父母皆先後修梵行
師在襁褓即知佛號兒時聚沙為塔能趺坐蓋宿習
云九歲依紹覺覺故蓮池弟子結庵土橋曰蓮居講
席甚盛師依止之親執勞役灌汲樵爨不得息獨默
識經義暫聞輒弗忘頗有神解一日覺坐文室與客
推密部師從壁間聽受良久炊飯竟作糜已忘之矣
客去覺問狀師懼且竊喜以實對乃更從客進論陳
說未幾覺大契知師固慧才也十五受沙彌二十八

雲棲受具戒自是博窺三藏參證諸宗踞師座說法擔荷道風人天瞻仰矣顧惘樸無文與人言呐呐如不出口、偃僂循墻恐踰越尺寸、尤精戒律、內外如一、每登壇秉戒千人駢集師穆然靜遇望者意消、及開說而詞志懇懇使人汗渥沾衣、非辟自遠、師殆以身教哉、居恒禮懺或修觀、歷寒暑晝夜以為常、暇則搜繹舊聞、手披閱有論著、著唯識論合響若干卷、行世凡三易稿、垂老不休焉、師優閑淡止、所居不踰十步、瞑目返聞、自適已意、與物臨對無遽色、疾言併覆之餘、紛紜盡釋、未嘗厲情鎮之、而超然深永矣、庚寅秋

杭縣志稿

卷二十一

一四四

微疾以七月二十五日、沐浴易衣、結跏坐、持珠喃喃不絕、須臾化去、玉筋垂尺許、蓋前此七日、召門人輩示以期至、有優婆夷夢天樂繚繞、導師西去云、自萬曆庚辰十月十七師始生、壽七十一、僧臘五十二、在蓮居日多、構直指大悲堂、往來桐江、吳門、講法從游甚衆、後得本金釧、即今募塔奉師瘞者也、塔在法華山石人塢、盡未來際、當勿壞、系以銘曰、師永刼不生滅、任去來、無法說、

清徐自洙伯亭大師塔誌銘

師初名續法、更名成法、伯亭其字、灌頂其號也、仁和

亭溪人俗姓沈銘曰早失怙恃九歲禮慈雲祖源為師十六薙染十七圓戒二十參乳源德水法師聽講楞嚴宿慧駿發洞徹微旨嘗論天台賢首之異同乳峯曉以雲棲之說言下大悟遂走囑精研四分律開講於慈雲兩修大殿重建聖果仁壽諸梵寺康熙二十八年主上天竺聖祖仁皇帝南巡幸寺賜賚優渥重修毘盧殿閱十載退歸仁壽歲辛丑上竺災當事縉紳延師重主興建經營布置規模畧成雍正六年四月朔日說倡辭衆合掌趺坐西向而逝世壽八十八僧臘七十九葬法華山之陽

杭縣志稿

卷二十一

清邵宗元繼室徐儒人家傳

在塘棲西小河歸宅乾隆間梁同書撰并書碑已斷小楷大半漫漶有孺人姓徐氏德清少宗伯蘋村公曾孫女仁和常山教諭邵鶴田 婦文學

邵宗元字端貽之繼室等句尚可讀

清國子監助教宗君家傳

儀徵阮元撰梁同書書
吳讓之重摹上石

宋君名大樽字左彞號茗香先世自河南來居仁和之塘西祖載陽父樹年以君貴贈如官君惟孝友喜讀書年二十母陳太恭人疾刲股以進比長精推步兼三式之學彈琴作畫靡不精妙年二十九入京師

充四庫館謄錄丁酉順天鄉試中式以館期滿議叙
府倅君不耐吏治請改國子監助教未及補丁外艱
歸服闋起補誠心堂助教甫一年即陳情乞歸養時
為陳太恭人知將止之都中友人亦多留之者君慨
然曰古人一日養不以三公易其可勸乎遂促裝歸
逮陳太恭人卒君亦劬四方之志矣其生平善行如
建義學為粥食餓者皆人所共見而隱德不與焉暇
復徧游天台雁蕩黃山諸勝詩格益蒼大致宗太白
而樂府古辭力追漢魏嘗自之其稿曰傳者不在多
也尤好獎掖寒士而時與俗迂故俗人見輒避去嘉

杭縣志稿

卷二十一

一四六

慶九年甲子四月五日無疾卒於西湖寓舍年五十
有九子二長咸熙縉雲縣訓導通經術次時熙杭州
府學生員所著有學古集四卷牧牛村舍外集若干
卷讀我書塾課本略八卷方言補正十二卷茗香詩
論一卷校文爾雅新義二十卷

論曰昔陽城為司業引諸生告之曰凡學者所以學
為忠與孝也諸生有久不省親者乎明日謁城還養
者二十輩其後弟子何蕃入太學歲率一歸父母止
之間一歲一歸然終閔親之老歸養於和州諸生不
能止由是觀之養者人子所不能自己而亦古今之

所難也若宋君者其自處豈異於蕃歟人又言君喜任世事其經濟雖不克見於有施昌黎所謂譬之水其為澤不為川乎若君者又殆所稱積者多而施者不遐也

傳為先王父小茗請譔於文達請書於學士泐諸家祠以昭來許垂五十年丁太平軍之亂竟付劫灰吁足惋矣洎今拓本流傳大都散失寒家幸存其一初為我嗣考叔平公所藏嗣考即世先考季真公寶之傳之印金竊思所以垂久遠者宜仍壽之石適遇金匱吳君讓之來滬上爰請其重摹上

杭縣志稿

卷二十一

一四七

石復還舊觀度世世子孫於先曾王父茗香公之嘉言懿行永誌弗諼而文達之文學士之書亦足以徵文考獻云尔宣統三年仲春之月曾孫印金謹跋

唐沈岫定山題名

在雲泉山水洞吳興沈岫 元二年正月卅日題正書左行三行首行岫字下缺次三行各四字字徑一寸考唐年號繫元字者高宗上元玄宗開元肅宗乾元德宗興元貞元則此書在元和諸題名前

李幼清題名

在雲泉山水洞睦州刺史李幼清元和元年十一月十九日題二行、行九字、兩浙金石志正書徑一寸、

武儒衡題名

在雲泉山水洞攝部團練 前國子監四門助

教武儒衡元和二年二月廿日題正書左行五行

李夷簡題名

在李幼清題名右正書兩行首行饒州刺史李夷簡下缺次行、潞元和二年四月十二日赴下缺字

杭縣志稿

卷二十一

一四八

大者二寸餘小者僅四分之一、

鄭敦禮題名

在雲泉山水洞殿中侍御史內供奉鄭敦禮元和二年五月七日赴新芝 正書左行首行六字、次行五字、三行八字、末行定字下缺大者徑二寸、小者四分之一、

盧績等題名

在雲泉山水洞范陽盧績元和四年十月廿五日、時績攝富陽令、鄭暉裴損後到正書四行首行七字、次行九字、三行七字、末行二字、大者徑二寸、惟

月日字差小、

李 舉等題名

在雲泉山水洞、正書三行、凡二十一字、監察御史
李 舉、杭州刺史曹全、試大理司直王、無年
月、所稱官秩皆唐制、之為唐刻、兩浙金石志、字徑
一寸五分、以上均見定鄉小識

宋許道孚定山題名

在雲泉山水洞內、景祐四年 月二十九日、吳門
許道孚正書、左行、分三行、斜書、首行七字、次行五
字、末行三字、書法秀峻如虞永興

杭縣志稿

卷二十一

一四九

方翁題名

在雲泉山水澗、左石厓、方翁題名、祠中六字、正書
左行、大徑二寸許、方翁為蘇舜元字、蘇別於洞中
題名、故標識於外、然洞中之題、無可覓矣、西湖志
千佛頭有方翁題名云、皇祐元年、此刻當亦其時
所作、

蘇文忠題名

在雲泉山水洞上石厓、蘇軾子瞻四字、正書、年譜
熙寧七年、通判杭州、正月游風水洞、題名、應即此

時

魯元翰題名

在雲泉山水洞內

開元

翰過此熙寧八年十二月十八日、正行書僅存三行、行五字、徑二寸、考元翰為魯有開字、扶風人、此云開元翰、蓋前行魯有二字已缺也。

游茂先題名

在雲泉山水洞上石厓、建安游茂先行、按浙東晚宿慈嚴元符二年八月二十六日、正書四行、字徑一寸、首行五字、次行五字、三行六字、末行七字、左行、男忭侍行、陶定題名。

杭縣志稿 卷二十一

一五

在雲泉山水洞、新江西提點刑獄吳興陶之被旨奏事、乾道庚寅夏六月癸亥來游、正書左行、分五行、每行六字、末行二字、字徑寸餘。

趙忠之題名

在雲泉山水洞、開封趙汝愚為正字時、間艾軒風水洞寺、家也、九年秋七月解后同游、正書分三行、行十字、次行中三字、漫蝕不可辨、艾軒林光朝字、閩人、風水洞寺即慈嚴寺、九年、當屬乾道癸巳、不書紀元支干、亦創文。

淳熙丁酉題名

在雲泉山水洞定

敦同山勝概

自西過、淳熙丁酉六

有五、日

必卿行書分五行、每行八字、可識數字

外、雖隱隱有波磔痕、究漫滅莫定也、丁酉為淳熙四年、兩浙金石志有李直卿題名、不言所在、亦係淳熙丁酉、季夏二十有五、日似即此刻、計四十字、數亦略同、又何伯應等題名、係淳熙丁酉十月六日行書、六行、字徑一寸許、計五十二字、不言所在、附記於此

以上均見定鄉小識

杭縣志稿 卷二十一

一五一

明大塊一竅四字

定鄉小識在雲泉山水洞上石厓正書、橫列洞上、欸署萬曆二十一年九月九日、楚郢國人湯沐書、別一行湯沐安陸人、由進士知錢塘縣事、

宋趙伯衛題名

定鄉小識在定山、趙伯衛牧仲游、紹興己卯九月十七日、摩厓正書、二行、字徑寸餘、

梁安世等題名

兩浙金石志在定山、摩厓正書、四行、字徑一寸餘、梁安世次張鄭濤次山、淳熙癸卯六月四日偕游、

芝鄉小識舊在曇山今已不可覓想為斲石者所損矣梁安世宣平人次山爵里無攷即當時築園亭於曇山者也

清虛洞天四大字

定鄉小識在曇山仙人洞內四字篆書大徑尺許紹熙三年夏五月癸巳刊十字一行正書不著名想為鄭次山輩所為 武林石刻記縱三尺四寸、橫九寸、

朱文公題曇山詩

芝鄉小識在曇山棋坪石南側石壁凡二十字、正

杭縣志稿

卷二十一

一五二

書左行二行、行十字、詩云、頽然見茲山、一一皆天作、信手銘巖墻、所願君勿鑿、錢塘縣志以下二句為起句、未知詩字左行也

朱文公重游題名

兩浙金石志紹熙甲寅閏十月癸未朱仲晦父南歸重游鄭君次山園亭、周覽巖壑之勝、裴回久之、林擇之余方叔朱耀卿、吳芝之、趙誠父、王伯紀、陳秀彥、李良仲、喻可中俱來、凡六十二字、摩厓、行書十六行、字徑二寸、

定鄉小識在曇山仙人洞側正書左行、共十六行、

行四字、末行二字、縱一尺四寸、橫四尺四寸、甲寅
為紹熙五年、寧宗初立、文公除煥章閣待制、閏十
月十九日面對韓侂胄去、寓居西湖靈芝寺、癸未
乃是月二十六日、南歸、蓋歸閩也。

雲泉靈洞四大字

定鄉小識在雲泉山風洞下、大石壁、篆書分二行、
行二字、大徑文、許、歛字、皇祐庚寅元居中、篆、院僧
中信命、蔡才院僧。立十九字一行、正書、兩浙金
石志、字徑三尺。

祖無擇等題名

杭縣志稿

卷二十一

一五三

定鄉小識在雲泉山風洞下石壁、祖無擇、沈振元
居中、張先、熙寧己酉、孟秋晦日、偕游、篆書五行、行
四字、大徑八寸、武林石刻記、縱橫三尺三寸、八
分書。

周之祥等題名

定鄉小識在雲泉山風洞下、元祐癸酉八月二十
一日、周之祥履中、何志同、彥時、黃策、子虛來游、正
書、左行分四行、首行八字、次行七字、三行六字、末
行五字、兩浙金石志、字徑二寸餘。

蘇文忠佛日題名

咸淳志東坡題名祖志入山之十三日、述古赴南都、率景山達原子中子瞻會別於此、熙寧七年八月十三日、三十五字、

范成大跋右文忠倅杭時送客至佛日山寺壁間所題、余年十五往來山中、常與舉上人游居其下、後三十九年、舉欲勾縣公勒之石、余亦自蜀道東歸、因勸成之、淳熙丁酉嘉平月、吳郡范成大書、案舉

上人名慧舉、字舉真、姓朱氏、頗能詩、見周必大南歸錄 周必大跋佛日淨慧寺、

在桐扣黃鶴峯下、寺中有池、池有渥洼泉、東坡先生嘗賦五絕句、所謂細泉幽咽走金沙者、堂上留

杭縣志稿

卷二十一

一五四

題今既百年、而詩僧慧舉乃謀入石、可謂好事矣、桐扣以張華得名、俗云桐口、非也、淳熙五年正月九日、東里周必大書、

韓元象跋元象備數知仁和之三月、以公事過臨平、聞桐扣佛日寺有東坡先生留題、肩輿往觀焉、字在法堂東壁、盖熙寧七年先生倅杭日、太守陳公自杭守來、先生與諸公會別於寺所題也、先生其年三十九歲、熙寧甲寅、距今淳熙戊戌、又百有五年、堂宇日壞、壁且摧剝、字將闕蝕、可為歎惜、因命工摹勒而移之石、庶幾可以永其傳、云、淳熙五

年三月十日、奉議郎知仁和縣事、潁川韓元象題
張子履鄒志完陳瑩中等佛日題名

咸淳志在桐扣佛日寺、紹聖丙子二月五日、峴
子履志完瑩中、明遠坦然、瞻禮懷禪師塔時
赴南昌郡三十三字、淳祐己酉、知縣李從命寺僧
模以入石、跋云、物境之勝、因人而尤勝、如東西二
林、得平原公上下兩竺、得眉山老、皆與佳客同游
復親題名字於碑巖之上、好事撫拓以為雅玩焉
是邑佛日精舍、有紹聖三年、張子履所題版壁、逮
今猶存、同與游者鄒道卿、陳了翁、趙明遠輩、若夫

杭縣志稿

卷二十一

一五五

鄒陳之賢、眠前二公、何慊哉、主僧本倅、指以事、予
因浼壽諸石子履名、綬是年以朝奉大夫帥鐘陵
明遠名士、陳嘗以清遠軍留後知南外宗正、有詞
集行世、坦然則未詳為何人所缺三字、峴字之上
必去字爾

翼拱之臨平細礪洞題名

臨平記在洞中、翼拱之凌晨游、此時康之元年四
月八日、又洞西南有竇緘二字、無年月可考、亦不
解其意義

明祈年二字

康熙仁和志細礪洞俗名旱洞萬曆間太學生郭紹孔刻祈年二字於其上臨平記郎紹孔鑄祈年二字於洞上為里人每四月八日於此洞占歲之豐歉也

宋天宮寶藏四字

臨平記補遺周必大南歸錄佛日輪藏刻天宮寶藏四字相傳元祐四年東坡出京師時所書

海雲洞三字

唐棲志在超山摩厓正書大徑尺許郡守趙清獻書又對面行書卧龍淵三大字無款識年月

杭縣志稿

卷二十一

一五六

案海雲洞三字下疑有二十八字中大夫試尚書兵部侍郎兼同修國史實錄院同修撰樞密都承旨趙書趙字下空一格不題名宋史趙清獻擢參知政事乞去位拜資政殿學士知杭州改青州以大學士知成都乞歸知越州復徙杭州以太子少保致仕與此異疑非清獻也

元山舟二字

臨平記在臨平山冰谷泉亭上貫雲石書

明洛山石刻

萬曆府志洛山石壁有倪乾鏤銘於上云洛山之

顛有仙居焉、烟飛舟竈、煉石補天、又曰洛山聯璧、崑侖來脈、造化毓成、擎天柱石、共三十二字、不著時代、

案此見萬曆志、故列於明代、

安平泉三字

臨平記在安隱寺、萬曆間太學生郎紹孔鑄安平泉三大字、

宋東坡墨竹賦

錢塘縣志下層刻畫竹、上層刻墨竹賦、在皋亭山

崇恩院

杭縣志稿

卷二十一

一五七

明刻趙清獻詩

唐樓志在海雲洞、嘉靖中、丁之喬摩崖刻趙清獻海雲洞詩、後附丁養浩次韻詩、又丁之喬沈望雲二詩、

清彭剛直梅花詩

在超山大明堂、彭玉麟超山梅花詩、駒光底事暗催人、六十年過又七春、且向禪林參妙喜、漫呼明月問前因、江湖未醒夢中夢、天地空留身外身、德薄幸能修到此、萬梅花裏過生辰、曲園居士俞樾書、光緒二十四年秋、

民國二十二年二月、大明堂為盜焚、石燬、拓本存、明摹刻、吳道子畫觀音像

唐樓志在超山大明堂、正統十年乙丑夏四月、前進士盱江章文照跋云、吾南城邑大夫武林邵侯孟津輝治政之餘、願謂予曰、往歲歷政部司、挈家京師、嘗切慕觀音大士、多獲靈感、既再調茲邑、間過天寧禪寺、伏覩石刻觀音像、乃唐道子筆、極為精妙、神氣儼然、真如普陀落迦山示現之身、遂用印打一幅、裝潢偕室人宋氏日加禮敬、既又捐俸購一堅珉、命工摹刻、願同四方善信、瞻禮永遠流

杭縣志稿

卷二十一

一五八

傳、用答鴻庥、幸為記之、予不敢辭、遂書之以紀歲月云

碑陰刻清康熙三十五年、仁和知縣張禁入山抽稅告示

聖帝像

武林訪碑錄在小和山、萬曆丙戌、都鐘摹

金文

宋福王銅印

臨平記再續民國二十三年甲戌夏旱塘棲農人於福王莊基洗馬池中掘泉獲此當為福王遺物文曰祥符開國以宋三司布帛尺度之一寸七分、正方篆文稠疊猶存宋官印體制今歸姚氏景瀛家

明慈嚴寺銅鐘

定鄉小識在慈嚴寺、正統十二年山陰清化山寶嚴寺比丘惠璣募鑄四面正書字徑五分、按欵識

杭縣志稿

卷二十一

一五九

乃越中物重大非可肩挈、何遂得至慈嚴殊莫能測、豈惠璣初本越僧、後嗣法慈嚴、猶蒙初號、取今以在慈嚴久錄諸

下闕

慈嚴寺銅點

定鄉小識在慈嚴寺、文曰慈嚴寺住持僧宗智檀越鄭彥章、大明成化二年冬月吉月三行、正書字徑寸、

西渡庵銅鐘

在東江渚西渡庵、見定鄉小識

慈嚴寺鐵磬

萬曆三十三年鑄銘文正書十六行、字徑五分、今在靈山新廟不知何時移入

大湖廟鐵鼎

在大湖廟信士張棠、男張盛、張慨、孫兆麟、兆虬、兆熊、供立萬年烟火祈保一境榮昌、吉祥如意者、明天啟丙寅年、正書十三行、字徑五分、

大湖廟鐵燭臺

在大湖廟信士張斯文、弟、母鄭氏、妻、氏、媳、繆氏、姪、耀光、煜光、人、正書五行、信士張

正書兩行、

杭縣志稿

卷二十一

一六

大湖廟鐵瓶

在大湖廟信士張、母、配、正書五行、字徑五分、

靈山鐵鼎

在靈山新廟、杭州府錢塘縣安吉鄉□□里、喜捨信士、應全、祈保、吉慶、人、眷、平安、福有所歸家

正書十四行、自鐵燭臺及此年月浸漶、大約明物也

以上均定鄉小識

安隱寺鐘

在臨平、安隱寺志、萬曆二十二年閏九月鑄、沈謙鑄鐘詞、安平寺前人如林、洪鐘高峙、青山岑、百夫併力、大風急、江潮夜吼、蒼龍吟、須臾大舉、若鳴鼓、銅精上結、為白虎山亭、靄靄紫霧橫、沙樹蕭蕭綠、雲吐扶籬、液走如長虹、魯般公輸用力同、靈芝大鶴炫奇色、巖危驚覩、燕支紅、丹梯巖、凌飛閣、轆轤千盤、鳴鐵索、一聲盡、識江南曉、落月疏星、噪寒鵲

清海塘鐵牛

杭縣志稿

卷二十一

一六一

海塘通志、雍正八年、乾隆五年、四十九年、三次鑄造鐵牛共十五座、每重三千斤、名鎮海塘鐵牛、有六座安置范公塘一帶、餘皆在海寧境、海昌叢載云、鐵牛背有銘曰、惟金尅木、蛟龍藏、惟土制水、龜蛇降、鐵犀作鎮、奠寧塘、永慶安瀾、報聖皇、錢氏泰吉游尖山記云、鐵牛背又有監造官博士鳳六字、案范公塘一帶、杭縣境也、歷劫之後、海寧尚存四座、在杭縣者、不知猶有存否、俟考

民國

宋梅亭記

超 十 二 年 癸 亥 年 十 二 月 烏 程 周 慶 雲 撰 書 在
山 二 年 十 二 年 春 報 慈 寺 火 燬 其 子 周

刻 重

重修奉

斗門記

王 二 十 二 年 十 二 月 童 第 德 撰
廷 揚 書 俞 長 霖 篆 額

錢塘沈六姑墓表

十 在 二 年 西 溪 花 塢 口 六 姑 殉 洪 楊 難 二
錢 塘 孫 智 敏 撰 書

杭縣志稿

卷二十一

一六二

周夢坡 慶雲 宋梅亭記

超山在仁和縣東北六十里，距唐樓六七里而遙。唐樓志載：山中多梅花，中無襍樹。有南宋古梅花時，游人極盛。又載報慈寺即大明堂，有古梅百本，皆宋時所植。寺有三友居，心齋、香海樓，諸勝予心嚮往之。以人事歷碌，未暇蠟屐也。今年正月，下浣，予作虎林之游。姚子虞琴約探梅山中，出侯官林，琴南畫超山海花記為先路之導，更約汪子惕予、王子綬珊、錢子治香，載酒往游。至唐樓宿焉。詰朝，則拏小舟緣樓溪行，灘淺水清，游魚可數，約二三里，沿岸皆梅。移時見小

杭縣志稿

卷二十一

一六三

橋遂維舟，登坐筍輿，達山麓。峯迴路轉，使得報慈古寺，有樓翼然，即香雪海是也。樓前環植老梅數十本，中有一樹橫斜，交枝垂地，支以石柱，幹裂一孔，皮類龍鱗，落花斑駁，幻作青綠。寺僧指點告曰：此宋梅也。餘樹亦皆老幹，紛披相傳。明代分本色，暈淺絳瓣，或六出，非他卉所有。徘徊花下，不勝望古遙集之思。因語同游，擬構亭其旁，乞安吉吳缶廬繪宋梅小影，勒石紀之。以張韻事，僉曰善。既出寺，則山南山北二十里，彌望皆梅。恍置身衆香國中，倘雪月之夜，携尊酒坐花下，定有縞袂仙人下降也。夫梅之見諸篇什者

若孤山若羅浮、若鄧尉、騷人墨客詠之夙矣。羅浮吾不敢知，鄧尉香雪不過數里，孤山無論矣。况萬花之中，賸此冰雪之姿，野火不能摧，風霜不能蝕，殆以是見天地之心乎？予自辛亥困變，散髮扁舟，俯仰局脊，抑鬱誰語。今撫是梅，滄桑萬感，迸集於中，烏能自己。亭之成也，惕予、綬、珊實助焉。因撮其大畧為之記。時癸亥十二月，烏程周慶雲。

又記並刻聯句於石柱，聯云：與孤嶼萼綠花同聯眷屬，賸越山冬青樹共閱興亡。

癸亥仲春，偕惕予、綬、珊遊超山，訪宋代老梅，議建

杭縣志稿

卷二十一

一六四

亭以張之，今落成，即以宋梅名其亭。虬枝有靈，得毋嗤為多事乎？是歲長至日，夢坡居士識。

重修杭縣奉口斗門記

鄞童第德撰
書黃巖俞長霖篆額

苕溪水自餘杭來，橫貫縣之西北境四十里，經德清、吳興二縣，蜿蜒以入太湖。水所從來者高，入縣境乃行平地，易橫溢為敗。居民往往築塘捍之，所謂西險大塘也。塘置斗門，歲以時啟閉，灌溉農田如是者七十有二，而奉口斗門為最大。永嘉葉君嘯谷來長縣，巡視其地，曰：此工不治逾四十年，不幸而潰，決水南泛者，治武林門，民其魚矣。飭匠估計，需白銀萬八千。

請於有司得八千金不足以縣賦六千益之又不足
募之於民以今歲三月興工或曰桃花水且至盍少
待君曰吾非不知此然前工旦暮傾圮即無菑猶虞
不保奈何視其敗而不先為之所乎乃排衆議行之
未幾水果大至君冒雨立堤上督民囊土塞決口與
水爭命於頃刻之間水竟不得逞閱九月功成堅緻
牢固觀者皆太息以為足支數百年也始君嘗興修
永泰麇山六十六鄉濱水圩堤六萬六千三百六十
三丈至是又成斗門工尤鉅諸父老屬余為之記余
頃者方佐君共治縣之財政習聞君之行誼君勤於

理民常出入田里教民育蠶植棉如是則可以致富
不如是則否推其已驗者行之民悅而化以為賢侯
不我欺也治盜嚴誅其魁首宥其脅從盜不敢發發
輒捕得如神值歲蝗晨夜率農夫撲殺之凡殺蝗若
千萬斤書史所載古循吏之撫養百姓者皆勉力行
之勿怠他日者政成民和縣之人方將尸祝君於浮
屠老子之宮以永君於不朽今茲之役特其設施之
一端耳亦足以觀君之政矣

是役也浙江水利局科長王鏡清杭縣建設科長賴
法元工程技術員項亨區長華玉堂縣人士汪瀾勞

動餘沈心田樂伯翎姚福昌姚濟人勞篤祛姚同有
吳胤俞友梅馬波孫郭寶泉金應秋沈瑞田童如聖
張兆億王有財宋鶴齡王茂財莫學勤李子卿王輔
卿馬棣華莫名欽曹蓮溪施慶南唐萬年俞良記馬
佳林丁連炳沈秉欽顧舜年梁元淳傅芸軒龐鈺鍼
沈嘉宗陳繼甫皆共其勞例得附書

中華民國二十二年十二月

吳縣劉鈞

良仲

仝鑄

錢塘沈六姑墓表

共和紀元二十二年、距洪楊軍之攻陷杭城七十四

杭縣志稿

卷二十一

一六六

年、錢塘舊史氏孫智敏因邊君華桐之言得聞西谿
沈六姑之貞孝、及其死難之烈、惜其湮沒爰表其墓
以慰泉壤亦區明風烈之義焉姑姓沈世居錢唐西
谿龍駒塢姑母目盲寢饋櫛縱惟姑是賴姑矢志守
貞奉母洪楊軍入浙所在剽掠姑負母避深山洪楊
軍復搜得之覷姑年少逼之姑力拒與之搏遂被刃
而全其身嗚呼世之敝也名教既衰不聞風烈士行
且隳違論婦女貞孝烈行如姑而其名不彰司風教
者之責亦文人學士之羞也夫洪楊一役之死難者
前哲亦極意搜訪旌揚如例讀杭女表微錄錢塘烈

女載沈六姑而不舉其事蹟或者別為一人今邊君
華桐娶於沈姑之侄孫壻也知其事甚悉并謁其墓
遂命工采石立于墓前表潛德發幽光亦以勵俗信
而有徵矣姑之墓在西谿花塢口與父母合葬焉歲
在昭陽作噩仲春之月前翰林院編修孫智敏書

